

BOSNA I HERCEGOVINA
FEDERACIJA BOSNE I HERCEGOVINE
**AGENCIJA ZA NADZOR OSIGURANJA
FEDERACIJE BOSNE I HERCEGOVINE**
S A R A J E V O

Na osnovu člana 7. Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti ("Službene novine Federacije BiH", broj 24/05) člana 130. Zakona o osiguranju ("Službene novine Federacije BiH", broj 23/17), člana 12. Statuta Agencije za nadzor osiguranja Federacije Bosne i Hercegovine ("Službene novine Federacije BiH", broj 84/17) Stručni savjet Agencije za nadzor osiguranja Federacije Bosne i Hercegovine na 21. sjednici održanoj 04.12.2018. godine, donosi

O D L U K U
**O SADRŽAJU POLICE ZA OSIGURANJE VLASNIKA ODNOSNO
KORISNIKA MOTORNIH VOZILA OD ODGOVORNOSTI ZA ŠTETE
PRIČINJENE TREĆIM LICIMA**

Član 1.

Ovom Odlukom propisuju se obavezni elementi koje sadrži police za osiguranje vlasnika odnosno korisnika motornih vozila od odgovornosti za štete pričinjene trećim licima.

Član 2.

Police za osiguranje vlasnika odnosno korisnika motornih vozila od odgovornosti za štete pričinjene trećim licima je dokaz da je zaključeno osiguranje od građanske odgovornosti za štetu pričinjenu trećim licima u saobraćajnim nezgodama.

Član 3.

Obavezni elementi police osiguranja su sljedeći:

- serijski broj police,
- kontrolni broj police,
- broj ranije police,
- kontrolni broj ranije police,
- ugovorne strane,
- vrsta vozila,
- oblik karoserije,
- namjena vozila,
- rizik obuhvaćen osiguranjem,
- trajanje osiguranja i vrijeme pokrića,
- suma osiguranja,
- premija,
- datum izdavanja i
- potpis ugovornih strana i šifra zastupnika.

Član 4.

(1) Uslovi osiguranja su sastavni dio police osiguranja, ukoliko isti nisu štampani na polici osiguranja.

(2) Uslovi osiguranja iz stava (1) ovog člana, koji se obavezno uručuju ugovaraču osiguranja u pisanoj formi, trebaju biti razumljivi i čitki.

Član 5.

Bitni podaci, koji se odnose na ugovarača osiguranja u Uslovima osiguranja trebaju biti posebno istaknuti.

Član 6.

Stupanjem na snagu ove Odluke prestaje da važi Odluka o sadržaju polise osiguranja od odgovornosti za motorna vozila ("Službene novine Federacije BiH", broj 80/06).

Član 7.

Ova Odluka stupa na snagu osmog dana od dana objavljivanja u "Službenim novinama Federacije BiH", a primjenjuje se na police osiguranja izdate od 01.01.2019. godine.

PREDSJEDNIK
STRUČNOG SAVJETA

mr.sci. Edita Kalajdžić s.r.

Broj: 021-3342-9/18
Sarajevo, 04.12.2018.godine